

NOVI OPĆI KOLEKTIVNI UGOVOR ZA TERITORIJU FBiH – ZNAČAJ ZA POSLODAVCE

U Federaciji Bosne i Hercegovine (u daljem tekstu: FBiH) je 22. juna 2016. godine objavljen novi Opći kolektivni ugovor za teritoriju Federacije Bosne i Hercegovine (u daljem tekstu: OKU), sa ciljem uređenja pitanja koja novim Zakonom o radu u FBiH nisu uopšte regulisana ili su u suprotnosti sa odredbama istog.

OKU je stupio na snagu 23. juna 2016. godine, a zaključen je na period od 12 mjeseci.

U odnosu na raniji opći kolektivni ugovor, najznačajnije promjene za poslodavce se odnose na *povećanje najniže satnice, smanjenje neoporezivog iznosa toplog obroka, smanjenje procenata uvećanja plaće.*

OKU više ne reguliše pitanja isplate naknade plaća za slučaj smrti radnika i članova uže porodice, regresa za godišnji odmor, naknada za vrijeme bolesti radnika, jer će se takva pitanja u buduće regulisati granskim kolektivnim ugovorima, pojedinačnim kolektivnim ugovorima, pravilnikom o radu ili ugovorom o radu.

Utvrđivanje najniže satnice

Raniji opći kolektivni ugovor je predviđao da najniža neto satnica ne može biti manja od **1,75 KM**, te da se izuzetno granskim kolektivnim ugovorima može utvrditi satnica u nižem iznosu, pri čemu neto iznos ne može biti manji od **1,25 KM**. Prema novom OKU, najnižu satnicu utvrđuje Ekonomsko socijalno vijeće za teritoriju FBiH najkasnije do 01. decembra u tekućoj za narednu godinu, pri čemu je utvrđeno da najniža neto satnica u 2016. godini ne može biti manja od **2,31 KM**. OKU također predviđa da se izuzetno granskim kolektivnim ugovorima, kolektivnim ugovorom za područje Kantona, kolektivnim ugovorom za jednog ili više poslodavaca, može utvrditi niža satnica, ali čiji iznos prije oporezivanja ne može biti manji od **1,62 KM**.

Topli obrok

U odnosu na raniji opći kolektivni ugovor koji je propisivao da ukoliko poslodavac ne osigura ishranu u toku radnog vremena, radniku se isplaćuje mjesečna naknada u iznosu od najmanje 20% prosječne neto plaće isplaćene u FBiH, OKU propisuje da se u ovom slučaju radniku isplaćuje naknada u dnevnom iznosu od 0,5% do 1,0% od prosječne neto plaće isplaćene u FBiH.

Uvećanje plaće

Osnovi uvećanja plaće su prema OKU manji u odnosu na iste propisane ranijim općim

kolektivnim ugovorom.


Osnov za uvećanje plaće	Raniji opći kolektivni ugovor	OKU
prekovremeni rad	najmanje 30% od bruto satnice	najmanje 25% neto satnice
noćni rad	najmanje 30% od bruto satnice	najmanje 25% neto satnice
rad na dan sedmičnog odmora	najmanje 20% od bruto satnice	najmanje 15% neto satnice
rad u dane praznika koji su po zakonu državni praznici	najmanje 50% od bruto satnice	najmanje 40% neto satnice
minuli rad	0,6% za svaku godinu radnog staža kod poslodavca	0,4% za svaku godinu radnog staža kod poslodavca

U slučaju eventualnih pitanja, slobodno nas kontaktirajte.

O WOLF THEISS-u

Wolf Theiss je jedna od vodećih advokatskih firmi u centralnoj, istočnoj i jugoistočnoj Evropi (CEE/SEE). Naš ugled smo izgradili kombinacijom nenadmašenog lokalnog poznavanja prava sa snažnim međunarodnim kapacitetima i sposobnostima. Otvorili smo prvi ured u Beču prije skoro 60 godina. Trenutno naš tim trenutno okuplja više od 340 pravnika sa raznolikim spektrom pozadina, radeći u uredima 13 zemalja širom CEE / SEE regiona.

Za više informacija o našim uslugama, molimo Vas da kontaktirate:

**Adnan Sarajlić**

Associate

adnan.sarajlic@wolftheiss.com**Lajla Hastor**

Associate

lajla.hastor@wolftheiss.com**Samra Hadžović**Attorney at Law in cooperation
with Wolf Theisssamra.hadzovic@lawoffice-hadzovic.com

Ovaj memorandum je pripremljen u svrhu pružanja općih informacija, te ne predstavlja pravni savjet.

Prema tome, WOLF THEISS ne prihvata nikakvu odgovornost za bilo čije djelovanje ili propuštanje, na bilo koji način, a koje je utemeljeno na informacijama sadržanim u ovom memorandumu.

Ako želite saznati više o temi ovog memorandum ili općenito o našim uslugama, molimo Vas da se obratite na gore navedene kontakte ili na:

Wolf Theiss d.o.o.
Zmaja od Bosne 7/III
71000 Sarajevo
Bosna i Hercegovina
Tel.: +387 33 953 444
Fax: +387 33 953 445

www.wolftheiss.com